

Finamiras per l'onn 2013 sin buna via

■ (anr/fa) Da las 23 finamiras definidas per l'onn 2013 èn 19 realisadas u prest resalisadas. Discussiun han dà la finamira «traffich public» e quella davart la «producziun d'energia».

Sco emprim ha prendì il cussegl grond ier enconuschientscha dals differents rapports da gestiun, da la dretgira chantunala ed administrativa fin tar la Viafier retica. Alura ha tractà il parlament las finamiras per l'onn passà e guardà quant success ch'ins ha gì cun quellas. Bruno W. Claus (pld, Cuira), il president da la cumissiun responsabla, ha introduci ils preschents en la materia: «Da las 23 finamiras han ins pudì realisar l'onn passà 10.» Ina da quellas è p. ex. l'integraziun da la populaziun residenta che deriva da l'ester. Igl è era gartegià da procurar che las vischnancas sajan bunas da reagir da maniera cumpetenta e sperta a malauras e privels da la natira. Era la finamira che prevesa da tractar las resursas energeticas da maniera duraivla ha pudì vegnir cuntanschida. «Nov finamiras èn prest realisadas.» Tar quella tutga p. ex. il traffich public: Qua avevan ins l'intenziun da cuntinuar il svilup dal traffich public per augmentar l'attractivitat dal Grischun, e tenor il rapport èn ins sin buna via. Tar questa finamira ha fatg Andy Kollegger (pbd, Cuira) la dumonda davart ils dretgs



Deputà Bruno Claus (pld Cuira) ha presidià la cumissiun che ha tractà las finamiras da la regenza da l'onn passà.

FOTO Y. BÜRKLJ

d'utilisaziun da las localitads existentas tar la Porta Alpina a Sedrun, «na fissi forsa tuttina betg pussaivel da realisar qua in access public giu en il profund per construir ina fanestra, tras la quala ins pudess observar a passar ils trens?» Il president da la regenza Mario Cavigelli ha respundi ch'il chantun Grischun haja quests dretgs correspundents. «Sche investurs privats ans pon preschentar in concept co finanziair lur project e co al gestiunar pudain nus examinar quai», ha ditg Cavigelli, «fin uss nun è quai però

anc stà il cas.» Tar la finamira «Producziun d'energia», ina da las finamiras cuntanschidas, ha dumandà Monika Lorez-Meuli (pbd, Valragn) pertge ch'il chantun sa participeschia cun 15 perentschient a l'ovra electrica Tschär sin territori da Sursaiassa. «Tar l'ovra da Tschär han ins construi in ulteriur stgalim e l'optimada uschia, perquai ha la regenza decis da sa participar», ha respus Mario Cavigelli, «en Surselva è l'Axpo l'investur dominant, nus na stuessan però surlaschar tut l'affar unicamain a terzs.»